



Aqqaluaq B. Egede, Inuit Ataqatigiit  
Inatsisartunut ilaasortaq,  
/-Maani

### **§ 37 naapertorlugu apeqqummut nr. 28 / 2019-imeersumut akissuteqaat**

Inatsisartut suleriaasianni § 37, imm. 1 naapertorlugu uumassuserisuniit siunnersuisarneq pillugu apeqqutinik saqqummiussa qarputit. Apeqqutit suliassa qarfigisannit akineqartussanngorlugit innersuunneqarput.

#### **Apeqqut 1:**

#### **2019-imut qaleralittassiissutissat uumassusilerituut siunnersuutaat Naalakkersuisut malinniarpaat?**

Akissut:

2019-imut sinerissap qanittuanut aamma avataasiorlutik qaleralinnianut pisassiissutit Naalakkersuinit aalajangersarneqareerput. Uumassusilerituut siunnersuinerat aamma aalisartut najukkanik ilisimasaat tunngavigalugit inuiaqatigiinnillu isiginneriaasiat eqqarsaatigalugit pisassiissutit aalajangersarneqartarput.

Aqutsiveqarfiit tullinnguuttut uku qaleralittassiissutinik aalajangersaavigineqarput: Avataasiorlutit : Kitaata aamma Tunup imartaanni sinerissallu qanittuini: Qeqertarsuup Tunua, Uummannaq, Upernavik aamma nunatta sinnerata imartaanni. Avataasiorlutik aalisartunut aamma aqutsiveqarfinni ukunani uumassusilerituut siunnersuuteqarput: Qeqertarsuup Tunua, Uummannaq aamma Upernavik.

Avataasiorlutik aalisartut nunat tamalaat akornanni aqutsinissamik isumaqatigiissutit naapertorlugit malinnaavigineqarput. Sinerissap qanittuani aalisartut arlalitsigut inuiaqatigiinnik eqqarsaatiginnittussaapput taamaattumillu, soorlu 2018-imi decembarip ulluisa 19-ani tamanut saqqummiunneqartoq, aqutsiveqarfinni Qeqertarsuup Tunuani aamma Upernavimmi qaleralittassiissutissat ukiuni sisamani uumassusilerituut siunnersuinerannut naleqqussariartuarlugit aallartinneqassasut Naalakkersuisut aalajangerput. 2019-imut pisassiissutinik aalajangersaasoqarnerani taamatut naleqqussaaneq aallartinneqarpoq.

#### **Apeqqut 2:**

Ulloq: 25-01-2019  
Suliap normua: 2019 - 1206  
All. nr.:9812844

Postboks 269  
3900 Nuuk  
Oqarasuaat (+299) 34 50 00  
Naqitanik nassitsigasuuaat  
+299 34 63 55  
E-mail: apn@nanoq.gl  
www.naalakkersuisut.gl

**2019-imut qalerallitassiissutissanik uumassusilerituut siunnersuinerannit allaanerusunik Naalakkersuisut qalerallitassiissutissanik aalajangersaaniarpat?**

Akissut:

Matuma qulaani akissut innersuussutigalugu avataasiorluni qalerallitassiissutisatut uumassusilerituut siunnersuutigisaat malinniarlugit aamma aqutsiveqarfinni Qeqertarsuup Tunuani, aamma Upernavimmi inuiaqatigiit eqqarsaatigalugit ukiuni aggersuni sinerissap qanittuani qalerallitassiissutissanik allanngortitsiar-tuaarniarlutik Naalakkersuisut aalajangerput.

**Apeqquut 3:**

**Piujartitsinissap qulakkeerneqarnissaa eqqarsaatigalugu qaleraleqassut-simik nalilersuineq aallaavigalugu qalerallitassiissutisatut tonsit qassit pisassiissutigineqassappat? tamanna piujartitsinerunngitsutut taaneqas-sappat.**

Akissut:

Piujartitsineq Naalakkersuisunut pingaarutilerujussuuvoq, aningaasatigut, ilisi-matuussutsikkut aamma inuiaqatigiit eqqarsaatigalugit piujartitsinerit pineqar-nersut apeqquataatinnagit. Piujartitsinerli immikkut ittumik ilisimatuussutikkut pissusiunngilaq. Piujartitsisumik aalisarneq eqqarsaatigalugu uumassusilerituut misissuinerannit aamma aalisarnermit paasissutissat tunngavigalugit siunnersui-soqartarpoq. Qaleraleqatigiikkuutaat qanoq pitsaanerpaamik atorluarneqarnersut aamma isiginiarneqartarput, tassa atorluaaffiunerpaaffissat naliliissutigalugit. Tassa imaappoq aalisagaqatigiit ineriartortuarnissaat ilutigalugu patajaatsumik aalisarneq tunngavigalugu siunnersuisoqartarpoq. Ukiuni arlaqartuni qalera-leqassutsimut paasissutissat takutippaat, peqassuseq innarlerneqartoq. Uumas-susilerituut naapertorlugit aalisakkat annertuumik aalisarneqarput taamaattumillu pitsaanerpaamik atorluaasoqarani. Inuiaqatigiit eqqarsaatigalugit piujartitsineq aamma pingaaruteqarluinnarpoq taamaattumillu Naalakkersuisut taamatut aalisartunut najukkanilu inuiaqatigiinnut patajaatsumik tulleriiaaralutik nalimmassaaniarlutik aalajangerput.

**Apeqquut 4:**

**Aqutsiveqarfinni qalerallitassiissutinik aalajangersaaviusimasuni tamani qalerallitassat qanoq amerlatigisinnaanerit Naalakkersuisut oqaatigisin-naavaat?**

Akissut:

Pisassiissutit tamakkerlugit aalisarneqartassasut Naalakkersuisut isumaqarput taamaattorli pisarineqartut pisarineqartussat tamakkiisut (TAC = Total Allowable Catch) sinneqassanngillat.

**Apeqqu 5:**

**Pisassiissutit ikilineqassappata taava ikililerinerit aqutsiveqarfinnut tamanut koruuninngorlugit qassiussappat? qalerallit akii tunngavigalugit.**

Akissut:

Sinerissap qanittuani pisassiissutit ikilineqaraluarpata tunisat nalingat qanoq appariartigissanersut ersarissumik akineqarsinnaangilaq. Siullermik pisassiissutit qanoq ikilineqartigissanersut apeqquataavoq aappassaattullu aalisagaqatigiit pineqartut pisassiissutigineqartullu ilumut nungullugit aalisarneqarsinnaanersut qulakkeersinnaangilarput. 2018-imi aqutsiveqarfinni qalerallitassiissutit 8.000 tonsingajaat aalisarneqangitsoorput. Assersuutitut 2018-imi qalerallinnik 1.000 tonsinik tunisinermi siullermi tunisat qanoq naleqartiginerat (aalisartup tunitsivimmut tunisinermini akissarsiai), tassa taakku agguaqatigiissillugit 19 millioner koruuninik naleqarsimapput.

**Apeqqu 6:**

**Naalakkersuisut sulii nalilersuisimangippata taava Aalisarnermut Naalakkersuisoqarfinni qalerallitassiissutinik nalilersuineq qanoq nassuiarneqarsinnaava?**

Akissutit:

Naalakkersuisut 2019-imut qalerallitassiissutit aalajangersareerpat, uunga tunngatillugu 1-mut akissut innersuunneqarpoq.

**Apeqqu 7:**

**Qalerallitassiissutissatut siunnersuutigineqartut malineqassappata, taava pisassiissutigineqartunit tamakkiisunit 3 %-inik piginneqataasoq kg-nngorlugit qanoq annaasaqartigissava?**

Akissut:

Sinerissap qanittuani aqutsiveqarfinni Upernavimmi, Uummannami aamma Qeqertarsuup Tunuani taamaallaat pisassiissutinik piginnittoqartarpoq. Ilisimatuussutsikkut siunnersuinerit malineqassappata angallatinut pisassiissutigineqartut 3 %-ii aamma aqutsiveqarfinni Qeqertarsuarmi 48.899 kg-nik ikilisinneqassapput aamma aqutsiveqarfinni Uummannami 36.669 kg-nik aamma aqutsiveqarfinni Upernavimmi 41.780 kg-nik, 2019-imut pisassiissutinut sanilliullugit.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq





14. januar 2019

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

### **Naalackersuisunut apeqquq:**

- 1. Naalackersuisut ukioq 2019-imi qalerallittassatut innersuussutigineqartut malinniarpaat?**
- 2. Naalackersuisut ukioq 2019-imi qalerallittassiissutigineqartuniit allaanerusumik pisassiiniarpata?**
- 3. Piujuuaannartitsinissamik qulakkeerinninnissaq pillugu qalerallittassanik nalilersuinerit tunngavigineqartut aallaavigalugit tonsit qassit aalisarneqarpata piujuuaannartitsiunnaarnertut naliliisoqassanersoq Naalackersuisut oqaatigisinnaavaat?**
- 4. Aqutsiveqarfanni tamani qalerallittassanik pisassiissuteqarfiussani pisassat qanoq annertussuseqassanersut Naalackersuisut oqaatigisinnaavaat?**
- 5. Pisassiissutigineqartut appariassappata aqutsiveqarfanni tamani appariaataatissat aningaasannorlugu qalerallip akia naapertorlugu qanoq annertussuseqarpata?**
- 6. Naalackersuisut suli nalilersuisimangippata Aalisarnermut Naalackersuisoqarfiup qalerallittassat pillugit naliliinera qanoq nassuiaatissartaqarpa?**
- 7. Qalerallittassatut innersuussutigineqartut malinneqassagaluarpata pisassani niuerutigineqarsinnaasuni pisassaatilimmut 3 %-imik pisassaateqartumut pisassiissutinut appariaat kg-nngorlugu qanoq annertutigissava?**

(Inatsisartuni ilaasortaq Aqqaluaq B. Egede , Inuit Ataqatigiit)

### **Tunngavilersuut:**

Ukioq 2019 aallarnerfigalugu qalerallinniarluni aalisarnerup aamma nunatsinni aningaasarsiornerup, qanoq sunnerneqarnissaat pillugu, apeqquqit qulaajaanissamik ujartuipput. Naalackersuisut qalerallittassat pillugit pisassiissutissanik annertussusilliinissamut isummersorsimanersut paaserusunnarmat, taamaangippat Aalisarnermut Naalackersuisoqarfiup pissutsinik pineqartunik qanoq naliliisimanersoq paaserusunnarmat apeqquqit ingerlatippakka.

Kissaatigivara apeqquqitikka ullut suliffiusut qulit qaangiutinnginneranni akineqarnissaat.